



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Dei Immortalis In Corpore Mortali Patientis Historia**

**Stanyhurst, Guillaume**

**Coloniæ Agrippinæ, 1694**

§. II. Coronatur.

[urn:nbn:de:hbz:466:1-49178](#)

gum! Ecce, ut hic post se, sua omnia homini ex amore tradita, stat nudus, à planta pedis usque ad verticem capitis non est in eo nisi nuditas. Quid mirum? à plantâ pedis usque ad verticem capitis, non est in eo nisi Charitas. Amor est nudus; Jesus est amor, quid miraris nudum? Et nos, nec dum eum vel sic amamus? Adeòne molestum est amare Jesum, quem nisi ames, Pater ejus æternum minatur supplicium; quem si ames, æternum pollicetur præmium? quem ut ames, cum illo dedit nobis omnia sua. Adeòne durum est, amare Amorem? Audiatur hic vox Augustini, verè Theophili. *Quid mihi es? Misericordia, ut loquar. Quid tibi sum ipse, ut amari te jubeas à me; & nisi faciam, irascaris mihi, & mineris ingentes miserias? Parvane est miseria, si non amem te?* Potestne vel ab homine timeri, vel ab Angelo concipi, vel à Deo inferri major miseria, quam non amare Jesum? quam odisse Amorem? O Jesu, idem qui te nudavit vestibus Amor, & cor nostrum nudet omnibus affectibus; nam tu unus sufficis amanti. Nudamus nostram voluntatem omni alio amore, & dicimus cum Apostolis: *Ecce nos reliquimus omnia: ut aliquando à te audiamus, quod à Patre frater prodigi; Fili, omnia mea, tua sunt.*

Matt. 19.

27,

## §, II.

## Coronatur.

**A**MORI succedit Dolor; quo dum pro dilecto patitur, se maximè probat. Scilicet non satis se amor prodiderat, dum pro nobis fuit proditus; non satis se detexerat, omnibus vestibus extutus; non satis se aperuerat post tot aperta amo-

R 5

ris

ris ostia, quot hiantia patebant vulnera: non satis nos sibi vinxerat, pro nobis funibus vincus. Dum novas comminiscitur pœnas Synagogæ crudelitas; veterum oblita, excogitat nova beneficia, divina Charitas. Interim conserunt inter se consilia, invidia, & malevolentia: quæ exhausitis propè omnibus viribus, in excogitandis pœnis, & novis cruciatibus, tandem quasijam venissent ad ultimam crudelitatis lineam, impolituræ illi coronidem: *Plectentes coronam de spinis, imposuerunt capiti ejus, & ueste purpurea circumdederunt eum.*

**Ioan. 19.2** *Quis hic interpretabitur, si nè major in corpore dolor, an in pectore amor? Dicat jam corpus: Videte si est dolor sicut dolor meus. Dicat & pectoris: Videte si est amor, sicut amor meus. Utrumque est summus. Quid stupes? Qui patitur, est summum bonum: & idè patitur, ne homo incidat in summum malum. Sed ut prius amor, ita modò dolor, suas in scena partes agat. Vix fuerat Christus ingressus Prætorium, cùm milites aculeatum, & pungentibus vepribus horridum, adornando vertici, diadema non leviter imponit, sed fortiter imprimit. Interim aperiuntur undique sacrosanctæ venæ, ex quibus quot fluxerunt amoris guttæ, tot germinaverunt amoris rosæ. Sic quæ fuerant illi supplicia, vertit nobis ad gloriæ instrumenta. Dum hinc lictor infligit doloris vulnera, indè Redemptor emittit amoris jacula: iisdem quibus læditur caput spinis, uitur quasi telis, quibus vulneret cor Patris. Hoc tormentum non potest concipi, & tamen debet credi. Hic dolor superat fidem, & tamen crimen est vel dubitare de ejus fide. Nonne cùm fama fuisset, coronandum hinc in terris Regem regum,*

ex

expectasset quilibet legendas ex campis Elysij selectissimae rotas, vel ex Erythræo fredo pretiosissimas gemmas, vel ex Indico solo mundissimum aurum? sed spinas? Pungit mentem hæc cogitatio, ut spinis coronetur ille cœlestiū bellatorum in triumphanti Ecclesia coronator? Nimirum ad insolens hoc tormenti genus, quod vel audire est tormentum, Christum adegerunt tot cincinnatignatones, calamistrati trossuli, comati Absalones, quorum capita unguento pretioso madent, cælaries capitis nescio quo peregrino pulvere olet, quorum ora generoso masso spumant, quorum lingua nil sonat, nisi molle illud: *Coronemus nos rosis.* Qui domi inter pectinē & speculum toto mane occupati, inerti negotio op̄erosi, nihil agunt: qui malunt Rempublicam turbari, quam suam comam, & sollicitiores sunt de capitis decore, quam de animæ salute; compitores, quam fortiores; qui ducunt in bonis dies suos, & noctes; de die rident inter rosas, de nocte jacent inter plumas; in mensa inter epulas, in foro inter fabulas; ubique inter rosas, nunquam inter spinas. Non est quod illi delicatuli, pleni rotarum, aliud expectent post odoriferas rosas, quam tartareas flamas. Erras ergo, ô juvenis, toto cœlo à cœlo, si putas gradum facere per viā lacteam & roseam, in qua nil nisi rosas, & lilia, & calathos teras ad cœlum, nec ullam vepriculam, vel minutissimum aculeum perfenticas. Non iutur de deliciis ad delicias. I mundo, mitte rotas tuas & margaritas ante porcos. Nos similes mercatori quærenti bonas margaritas, inventâ unâ pretiosâ margaritâ vendemus omnia & ememus eam. Hæc margarita, hæc spina non est illa quæ pungit caput tuū, ô Christe, sed quæ configi optabat

Sap. L. 2. v. 8.

268

De Christo paciente

Ps. 118.

20.

tabat servus tuus, cùm diceret: *Confige timore tuo carnes meas.* Hac spinâ timoris configere carnes meas ut postea rosis amoris coronas animas nostras,

§. III.

Illuditur.

**E**xpectatis in hoc ultimo puncto ut tertius affectus, Pudor, in theatro crudelitatis, agat suam personam? Sed, ut video, venit non incommittatus, neque solitarius: stipat latus hinc dolor, inde amor. Hæc enim illum pati, nō tantum fuit insignis pudor, sed acutissimus dolor; nec tantum dolorem sustinuisse, nisi Amor suppeditasset & vires, ut posset; & animos, ut vellet tanta pati. Sed loquatur Evangelista: *Et posuerunt arundinem in dextra ejus, & genuflexo ante eum illudebant ei dicentes: Ave Rex Iudaorum. Et expuentes in eum, acceperunt arundinem, & percutiebant caput ejus.*

Romani milites à Judæis mercede conducti ad exercendas omnes vires acerbitatis & immunitatis in Christum, postquam ornâissent caput spineo diademate, manus fragili arundine humeros lacero murice, ne quid deesset ad ludici Regis opprobrium, sannis ei illudunt, in faciem expuunt, caput percutiunt. Quantus pudor! Eū, qui est primogenitus omnis creature, despici ut novissimum virorum? illum, in cuius magnificentissimi paludamenti augustâ orâ adamantino charætere scriptus est ille plenus majestatis titulus: *Rex regum, & Dominus dominantium;* hic ab impudoratis sannionibus & vernis cum scommate salutari: *Ave Rex Iudaorum?* Illum, qui appendit tribus digitis molem terra, manu tenere arundinem?

Flexo

Coloss. 1.

15.

Apoc. 19.

16.

Isa. 40.

12.